

الرشاد

سری ۱۳۳۰

والله يهدي من يشاء الى صراط مستقيم دینی ، علمی ، ادبی ، سیاسی هفته لقی مجموعه اسلامیہ در اتبعون اهدکم سبیل الرشاد

صاحب و مدیر مسئول : ع . اشرف ادیب

عدد ۴۳ — ۲۲۵ ۲۳ محرم ۱۳۳۱ پنجشنبه ۲۰ کانون اول ۱۳۲۸ جلد ۲ — ۹

وقعه‌لری و آرنایودولقد عناصر اسلامیه یاپیش اولان وحشتلر، استقباله عموم اهل ایمان حقنده روا کوریلجک قان دریالینک اوفاجق نمونه‌لریدر .

شو حاللری تمایله نظراعتباردن کچردکن صوکره بزه ایکی ییل قالور : بری یهودی مسلکینه سلوک ایده‌رک هر ذلتی اختیار وهر نه دیرلرسه (ای والله) دیهرک اطاعت ایتک ، دیکری ده تاریخ صحیفه - لرنده آلتونلرایله قید و ضبط اولنه‌جق بر اثر براقق نیتله میدان آتلق . لیکن بو صورتده عازم ، فکرنده مستقل ، لاف آکلارمز ، سوز دیکله‌مز ، اجنبی لسانی بیلمز ، بن ، بنم دیه‌جک بر رهبره احتیاجز وار .

ایشته شو آدم اورتایه چیقمالی . عموم امت محمد آرقاسنده لیک دیر ، حاضر اولور . ناموسمز دأره‌سند مردانه‌تولک ابدی بر حیاتدر . اون سنه صوکره اولمک ایله اون سنه اول اولمک آراسنده فرق پک آزدور . هر نوع اصلاحات وعد ایده‌رک صاحی اختیار ایتک ، اون سنه صوکره تولومی ، شیمیدین قبول ایتک دیمکدر . مؤمن موحد اولان بر دیلولوماتک ، بر قوماندانک صوک سوزی بودر : (لله اکبر) ای مؤمنلر ! ناموس دأره‌سند ابدی حیاتی اختیار ایده‌م . ای « لاله الا الله » دینلر ! الله و اعلاى کلمه الله اوغورنده ایلری والسلام .

عبدالرشید ابراهیم

مکاتیب

هندستانه خابر مختصر صمزدنه :

هند یولنده

۱۸

عقبانده صیبات اسلامیه

بالقان حکومتلریله دولت علیه آره‌سند حصوله کلن محاربه عادتانصرانیته اسلامیتک بر بریلر چارپیشق ایستدکارینی آچیقندن آغیغه کوستریبور . بونی بیلمیان ، آکلایمان هان قالماسدر . بالقان شبه جزیره‌سند غولنان آتشک نه صورتله انطفا پذیر اوله‌جغنی هیچ کیمسه بیلمیور . بونی بیلمامکله برابر ایشک نتیجه‌سنه هان بوتون مسلمانلر انتظار اییدیورلر .

محاربه باشلانغچنده کی مظفریتلرک مرده‌سی جلای شادان و مسرورایتیکی حالده ، صوک خبرلر هر کسی دلخون ایشدر . هله هندستاندن بورایه منعکس اولان (رویتر) آژانسیله هند غزته‌لرینک مندرجاتنه باقیلیرسه ، بوتون روم ایلی ولایات عثمانیه‌سنک بالقان عساکری طرفندن استیلا اولندیغنی افهام ایتکده‌در . صربستان اردوسیله عساکر عثمانیه بیننده وقوع بولان بر مصاء دمه‌ده بزم آلتی بیک تلفات ویرمش اولدیغیزی مذکور غزته‌لرله آژانس نشر ایتشدرلر . بوکی فنا خبرلرک نیم متمدن و بادیه نشین اولانلر اوزرینه نه قدر سوء تأثیر حاصل ایلدیکنی تعریف ایتکی زائد کوریورم .

فقط برکت ویرسونکه اهالیکنک نجابت فطریه و اخلاقیه‌لریله دولته اولان صداقت و ارتباطلری سوء تفهم حصوله میدان براقیور . اشراف و اعیان محلیه‌نک سلامقلرنده - که هر بری آبروجه بویوک بر مجمع تشکیل اییدیور -

سنه‌در هان هپ بر آغزندن باغیر یور ، سویله‌یورز . کویا استبداد دورنده مهادیا « دیدی قودیچی » لق صنعتی تحصیل ایله اوغراشمشز .

نه کوزل بویورولمش : « علامه اعراض الله عن عبده اشتغاله بما لایعنیه - اللهک کندندن یوز چویردیکنه علامت ؛ قولک هیچ بر ایشه یارامایان شیلرله ، « دیدی قودیچی » لقله اوغراشماسیدر . « حقک بزدن یوز چویردیکنه باشقه دلیل آرایورسوق اوده وار ، اونیه ده کوستردی ؛ هم کوزمزه صوقه ، صوقه ... »

عبداللطیف نوزاد

حرب می ، صلح می ؟

بویله برسوال اورتایه آتیلدینی زمان ، عموم عثمانلی وبالخاصه مسلمانلر طرفندن ویریلجک جواب : (براقیت ناقصه استثنای اولنورس) حرب در . فی الحقیقه اعدامزک لوندره صلح مذاکره‌سنه وقت قزاقق ایچون بر خدعه اوله‌رق طالب اولدقلرینی بیلمز درجه‌ده غافل دکلز ، اعدامز اووقتی قزاقق ایشه بزه قزاقق ، هیچ فرقی یوقدر ، بلکه بزم ایچون دهها زیاده منفعتدار اوله‌بیلور .

مادامکه چتالجه محاربه‌سند طالع حرب بزه توجه ایتشدر ، مادامکه ضایع اولنه‌جق بر حیثیت واریسه اضاعه اولمشدر ، مادامکه بزه صوک ضربه‌نک اورولماسی ایچون ده قرار ویرلشدر ، مادامکه آوروپا اعظم رجالی حق و حقیقتی بر طرف ایده‌رک بوتون موجودیتلریله هر شیئی فدا ایده‌رک بزم وجودمزی کره ارضدن قالدیرمقدن باشقه برسیاست تعقیب ایده‌میورلر ، مادامکه بوکون بزه مظاهرتلری کندی منافع سیاسیله لرندن بلکه کندیلری ایچون حیات مسئله‌سی اولدینی هر نوع شهیدن عاری اولان دولت لر بیله بزم فلاکت مز اوغورنده کندی حیاتلرینی تهله‌لکره القا ایده‌رک وهر منفعتلرندن واز کچرک سکوتی اختیار ایتشدر ، مادامکه عموم خرسیتان دولتلری بالاتفاق بو غایه‌یه قدمناهده اولمشدر ؛ آرتق بزم ایچون بوندن صوکره الله‌دن وکندمزدن بشقه بر ظهیر تصور اولنه‌مز .

بوکون آوروپا غزته‌لری ، رسمی و غیر رسمی عصرلردنبری کیزله‌مکده اولدقلری عداوتلرینی تمایله میدان آتیلر ، هیچ صیقلمایه‌رق سویله‌جک‌لرینک هپسنی سویله‌دیور . دهها دوغریسی بز متذللا نه بوزولجکه آنلر کوکله قدر صجرادیلر : صلیبیلری نامه سویله‌دیور ، مریمیلری نامه سویله‌دیور ، عیسی‌لری نامه سویله‌دیور ؛ علناً و جهراً ده سویله‌دیور ، کیزلی و لاستیقلی اوله‌رق ده سویله‌دیور ؛ بیوکی ده سویله‌دی ، کوچوکی ده سویله‌دی ؛ دیپلوماتی ده سویله‌دی ، شاعری ده سویله‌دی ؛ خواجه‌سی ده سویله‌دی ، شاکردی ده سویله‌دی ...

آرتق ایش بورالره واردقندن صوکره هیچ شبهه اولنه‌مز که ، نتیجه‌ده نه یاپه‌جقلرینی دخی قرارلشدرمشلردر . ویاپه‌جقلرینک نمونه‌لری ده میدانده‌در : استرومجه ، مدلی ، سالنیک ، دده آغاج